



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

Humanæ salutis Monumenta, & Odæ variæ

Arias Montano, Benito

Antverpiæ, 1589

In Haggaevm Prophetam Carmen ex voto.

urn:nbn:de:hbz:466:1-44973

114 B, ARIAE MONTANI

Nulla secula sine
Parcat supplicibus suis.
Idem & magnifici propositi tenax,
Dictorumque memor prouidet & cauet,
Cui se cunque benignum
Dixit, cui facilem fore.
Sed quò me æquoribus cymba patentibus,
Et nullis penitus littoribus mari
Concluso rapere audax
Remis inualidum paras?
Quin magnis potius muneribus Dei
Augeri, atque animo perpetuis frui
Poscam supplice voto,
Quàm tantum temerem sacrum.

IN HAGGAEVM PROPHE TAM

Carmen ex ueto.

NON quantum aut Ophyre parit
Auri perpetuis montibus, aut Physon
Fuluo concoquit alueo,
Non gemmas Erythrae quas Arabum rubris
Fluctus marginibus terunt,
Non quidquid sinibus promitur Indicis,
Diuinas hominum decet
Mentes atque animos tangere sordida
Cura nec studio graui:
Nec cæca ambitio, vanaque mobilia
Vulgi gratia, maximas
Quæ turbat miseris temporibus vices,
Aeterni potius Dei
Nouisse expediat consilia, & nimis
Nostris commoda mentibus
Arcana, ac leuium pondere turbido
Rerum deposito, bonis
Curis assiduos protrahere & dies,
Terris dum face lucida
Fundit perspicuum Sol iubar aureus,
Et dum sidera lucido
Cælo signa suæ militiæ mouent.
Nam frustra nimius labor
In rebus minimis tunditur, & frequens

CERTAMON

Curam cumulus citam
 Aut mortem, aut miseram canitiem trahit:
 Ne quicquam tamen, vt neque
 Sperantem requiem, aut gaudia credita
 Expertus, doleas bonos
 Defluxisse dies munere inutili.
 Contrà, quos pietas agit,
 Felices animi, qui nimium breuis
 Vitæ tempora grandibus
 Exercent studiis, certaue præmia
 Celso constituunt loco,
 Quò nec mors penetrat, nec mala prospera
 Remum, aut tristia dulcibus
 Miscentur: liquido sed fluit agmine
 Expletura genus pium
 Expers inuidiæ diua beatitas.
 Non hos pauperies metu,
 Non desiderii sollicitat malis.
 Securos pietas facit,
 Et spes ire viam commonet arduam.
 Scimus quis Iebusum genus,
 Quis Gergasenuos exitus impios
 Diti progeniem Chami
 Excepit, facilis queis patrio sinu
 Tellus fertilibus iugis
 Et mellis, fluidi lactis & vberum
 Ratum sufficeret: sed hos
 Abre posteritas præcipiti fuga
 Magnis vrbibus expulit,
 Quamuis multiplici mœnia circulo
 Tutos vestibus æreis
 Clausissent; alios arma minantia
 Tentantes ageret furor
 In bellum: hos celeri Iosua dextera
 Et vita expulit, & domo,
 Remque omnem dominos detulit ad nonos.
 Non qui vel Tyrias opes,
 Vel qui scepra tenet sorte beatior
 Rectè dicitur: omnibus
 Felix ille sed est nominibus, sacram
 Sæcis qui sequitur viam,
 Præponensque Dei magna negotia

Urget perpetuis modis.

Ergo & nos avidis mentibus optima
Rerum quin petimus pij?

Cur non diuitias spernimus, omnium
Et fomenta cupidinum

Calcamus? deceat me Pater optime
Contentum exiguo foco,

Et rupis placidis muneribus mez
Diuinis operam libris,

Et totos superum consiliis dies
Impendisse sub arbuto,

Siue antro viridi, seu positum sacra
Matris virginis in domo,

Et monstrasse meis diuite spiritu
Laudis materiam tuæ,

Fingentem facili carmina numine.

IN ZACHARIAM PROPHETAM

Hymnus ex voto.

Iam densa ac tenebris horrida tristibus,
Quæ rerum nitidam polluerat decus,
Nox umbras piceæ carceris infimas
Auroram fugiens subit.

Iam clarus roseo progrediens loco
Sol orbi faciem protulit auream,
Qui cursu celeri conficit ætheris
Immensam repetens viam;

Quo vultu superum fidereas domos
Illustrat placidus, quo liquidum aëra,
Præscripta atque auribus regna vagantibus,
Tellurisque fouet sinus.

Vndarum rapidos continet impetus,
Et sistens tumido flumina margine,
Constratum pelagus ferre iubet virum
Gressus insolitis modis.

Effundit celebrem lætitiâ polus,
Et montes niuium frigore turgidi
Depulso, variâ suauibus implicant
Vestem floribus & comam.

Nunc & spem variis copia fluctibus

Confirmans